

आकाशवाणी

खबरां ---

1. लोकसभा चुनाएं दे चौथे गेड़ लेई मतदान सम्पन्न। इस गेड़ लेई बक्ख-बक्ख हल्के च दरम्याने दर्जे दा मतदान होआ। संझा 5 बजे तगर कुल मलाइयै 62 फीसद मतदान होने दी जानकारी सामने आई।
2. लोकसभा चुनाएं दे बकाया गेड़ लेई चुनांस प्रचार च सरगर्मी आई।
3. केंद्री मंत्री ते भारतीय जनता पार्टी दे लीडर अनुराग सिंह ठाकुर होरें अज्ज हिमाचल प्रदेश च हमीरपुर संसदीय हल्के थमां अपना नामांकन दाखल कीता।
4. प्रधानमंत्री नरेंद्र मोदी होरें कांग्रेस पर दोष लाया जे उन्नै कदें बी विकास आली बक्खी ध्यान नेई दित्ता ते सदा गै अपने वोट जोड़ने लेई तुष्टिकरण आली नीति अपनाई रखी।
5. केंद्री माध्यमिक शिक्षा बोर्ड नै 10मीं ते 12मीं जमात दे मतेयान दे नतीजे जारी कीते। कुड़िएं, जागतें दे मकाबले खरा प्रदर्शन कीता। प्रधानमंत्री मोदी होरें पास होने आहले विद्यार्थिएं गी मुबारक दित्ती।

दे अखिलेष यादव, कांग्रेस दे अधीर रंजन चौधरी, तृणमूल कांग्रेस दी महुआ मोइत्रा ते शत्रुघ्न सिन्हा ते ऑल AIMIM दे ओवैसी शामिल ऐ। कुल 19 लक्ख मतदान कर्मी तैनात कीते गेदे न ते मुल्लख भरै च इक लक्ख 92 जहार मतदान केंद्र कायम कीते गेदे न। चुनां आयोग नै मतदान प्रक्रिया गी सुचारू ढंगै कन्नै करोआने लेई सारे इंतजाम कीते दे हे। पिच्छले त्रै गेड़ तैहत मतदान सुचारू ढंगै सिर सम्पन्न होआ। 20 राज्यें ते केंद्र शासित प्रदेशें दे 283 संसदीय हल्कें च वोट पाए गए हे। आंध्र प्रदेश दी 175 विधानसभा सीटें ते ओडिशा दी 28 विधानसभा सीटें पर बी अज्ज मतदान होआ।

<><><><><><>

PM-Campaigning

लोकसभा चुनाएं दे बकाया त्रऊं गेड़ लेई प्रचार-जोरें शोरें पर ऐ। सीनियर सियासी लीडर अपनी पार्टिंणं लेई समर्थन हासल करने लेई राज्यें च जनसभा ते रोड शो करा करदे न। प्रधानतंत्री ते बीजेपी दे सीनियर लीडर नरेंद्र मोदी होरें अज्ज संझा उत्तर प्रदेश दी वाराणसी च इक बड्डा रोड शो कीता। श्री मोदी हुंदे नै उत्तर प्रदेश दे मुख्मंत्री योगी आदित्यनाथ बी मौजूद हे। प्रधानमंत्री होरें वाराणसी लोकसभा सीट थमां मौजूदा संसदीय सदस्य ते कन्नो-कन्नो मेदवार न। ओहू कल इस विधानसभा क्षेत्र थमां अपना नामांकन पत्र दाखल करंगन। 6 किलोमीटर लम्मे इस रोड शो च हिस्सा लैने लेई वाराणसी च लोक बड़ी मती गिनतरी च किट्टे होए दे हे। उनें पंडित मदन मोहन मालविया हुंदी मूर्ति गी बी श्रद्धांजलि दिती। इस थमां पैहले दिनें प्रधानमंत्री मोदी होरें बिहार दे हाजीपुर,

मुजफ्फरपुर ते सारण च रैलिएं गी संबोधित कीता। उनें राज्य दे लोकें गी आखेआ जे ओहू मुल्खै दे विकास लेई वोट पान। उनें आखेआ जे एनडीए सरकार तैहत भारत दी अर्थ व्यवस्था च बाद्दा दर्ज होआ रदा ऐ ते रोजगार दे होर मते मौके पैदा कीते जा रदे ना। उनें आरजेडी ते कांग्रेस पर दोष लाया जे ओहू तुष्टिकरण गी सियासत च सब्बनें थमां बड्डा हथियार बनांदे ना। उनें इब्बी दोष लाया जे दऊं पार्टियां लोकें दी भलाई बेहतरी लेई कदें बी कम्म नेई करंगन की जे ओहू अपनी अगली पीढी आस्तै दौलत किट्टी करने च मस्त ना। श्री मोदी होरें अज्ज बड्डुलै पटना सिटी च तख्त श्री हरिमंदर जी पटना साहब दा दौरा कीता। कांग्रेस दे सीनियर लीडर राहुल गांधी होरें उत्तर प्रदेश दे राय बरेली च जनसभा गी संबोधित कीता। उनें वायदा कीता जेकर केंद्र च कांग्रेस आई.एन.डी.आई ब्लॉक सत्ता च आई जंदे न तां उंदा पैहला कम्म गरीब करसानें दे कर्ज माफ करना होगा। कांग्रेस नेता प्रियंका गांधी वाड्रा होर राज्य दे अमेठी च जनसभा कीती। भाजपा दे सीनियर लीडर अमित शाह होरें महाराष्ट्र दे धुले च रैली कीती। उनें आखेआ जेकर नरेंद्र मोदी हुंदी अगुवाई आली एनडीए सरकार गी सत्ता च वापस बने रौहने लेई वोट कीता जंदा ऐ तां भारत त्री बड्डी अर्थ बवस्था बनी जाग।

<><><><><><>

Voting Turnout

लोकसभा चुनाएं दे चौथे गेड दे मतदान दौरान अज्ज संझा 5 बजे तगर कुल मलाइयै 62 फीसद थमां मता मतदान दर्ज कीता गेआ। पच्छिम बंगाल च 76 फीसद, बंगाल च 76 फीसद, मध्य प्रदेश ते आंध्र प्रदेश च 68 फीसद थमां मता मतदान होआ। झारखंड च 63, ओडिशा च तकरीबन 63, उत्तर प्रदेश च

56 फीसद, बिहार च 54 फीसद, महाराष्ट्र च 52 फीसद थमां मता ते केंद्र शासित प्रदेश जम्मू-कश्मीर च तकरीबन 36 फीसद मतदान दर्ज कीता गेआ ऐ।

<><><><><><>

Polling-Campaigning

लोकसभा चुनां दे बाकी रौहंदे त्रै चरणें लेई चुनां प्रचार जोरें-शोरें कन्नै जारी ऐ। बक्ख-बक्ख सियासी पार्टिं दे वरिष्ठ नेता थाहरें-थाहरें अपनी पार्टी दे मेदवार दे पक्ख च मतदाताएं गी करने लेई हर संभव कोशिश करा रदे ना। प्रधानमंत्री ते भारती जनता पार्टी दे नेता नरेंद्र मोदी होर बिहार च नेकां रैलिं गी संबोधित करा रदे ना। उनें हाजीपुर ते मुजफ्फराबाद च सार्वजनिक बैठक गी संबोधित कीता। प्रधानमंत्री होरें आखेआ जे मुख् दे लोक विकास लेई मतदान करडन। उनें कथित तौर पर दोष लाया जे आर.जे.डी ते कांग्रेस नै कदे बी लोकें दी भलाई बेहतरी लेई कम्म नेई कीता। उनें गलाया जे एनडीए सरकार दौरान भारतीय अर्थ बवस्था च बड़ा मता बाद्दा होआ ऐ। अज्ज पैहले मोदी होरें श्री हरमंदर जी पटना साहिब च बी मत्था टेकेआ। अज् संझा उंदा वाराणसी च रोड शो करने दा कार्यक्रम ऐ। कांग्रेस नेता राहुल गांधी होरें उत्तर प्रदेश दी राय बरेली थाहर सार्वजनिक किट्टे गी संबोधित कीता।

<><><><><><>

H.P-Nomination

सूचना ते प्रसारण मंत्री ते बीजेपी नेता अनुराग सिंह ठाकुर होरें अज्ज हिमाचल प्रदेश दे हमीर पुर लोकसभा सीट थमां नामांकन दाखल कीता। उंदे कन्नै बीजेपी दे वरिष्ठ नेता ते साबका मुखमंत्री प्रोफेसर प्रेम कुमार धूमल बी मजूद हे। अनुराग ठाकुर होर इस सीट परा उप्परोतली 4 बारी जित्ती चुके दे न ते हुन 5मीं बारी चुनां लड़ने जा रदे न। शिमला लोकसभा सीट लेई बीजेपी दे मेदवार ते मजूदा सांसद सुरेश कश्यप होरें बी अज्ज अपनी नामजदगी दाखल कीती। अज्ज गै इस सीट लेई कांग्रेस दे मेदवार विनोद सुल्तान पुरी होरें अपना नामांकन दाखल कीता।

<><><><><><>

PM-Interview

प्रधानमंत्री ते बीजेपी दे सीनियर लीडर नरेंद्र मोदी होरें कांग्रेस पार्टी पर दोष लाया ऐ जे उन्नै कदें बी विकास आली बक्खी ध्यान नेई दित्ता ते सदा गै अपने वोट जोड़ने लेई तुष्टिकरण आली नीति अपनाई रक्खी। मोदी होरें आखेआ जे एह बीजेपी दिएं विकास नीतिएं दा नतीजा ऐ जे ओहू राज्य जिनेंगी कदें बमारी जां कसरी राज्य आखेआ जंदा हा, अज्ज तरक्की करै करदियां न। इस अखबार गी दित्ते गेदे इंटरव्यू च उनें आखेआ जे बीजेपी सरकार दिएं योजनाएं कन्नै गरीबें गी घर मिले, नौजवानें गी मौके मिले ते महिलाएं दा सशक्तिकरण होआ ऐ। मोदी होरें आखेआ जे अज्ज बीजेपी गी मुल्खै दा समर्थन हासल ऐ।

<><><><><><>

CBSE-Result

केंद्री माध्यमिक शिक्षा बोर्ड सी.बी.एस.ई नै अज्ज 10मीं ते 12मीं दे नतीजे घोषित करी दित्ते ना। सी.बी.एस.ई नै इक बयान च आखेआ ऐ जे 12मीं जमात च कुल 87 इशारिया 98 प्रतिशत बच्चे पास होए ना। पिच्छले बरे दे मकाबले च एह 0 इशारिया 65 प्रतिशत ऐ। 24 ज्हार कोलां मते विद्यार्थिं 95 प्रतिशत कोला मते नंबर लैते न ते 1 लख 16 ज्हार कोला मते बच्चें 90 प्रतिशत कोला मते नंबर हासिल कीते ना। कुड़िएं दे पास होने दी प्रतिशत मुड़ें दे मकाबले 6 इशारिया 4 प्रतिशत मती ऐ। बोर्ड मुजब 12मीं क्लास लेई कोई मेरिट लिस्ट जारी नेई कीती जाग। तोआई, बोर्ड नै 10मीं जमात दे नतीजें दी घोषणा www.cbseresults.nic.in ते www.cbse.gov.in दे इलावा डिजी लॉकर ते उमंग ऐप पर बी कीती गेदी ऐ।



CBSE-Exam

केंद्री माध्यमिक शिक्षा बोर्ड सी.बी.एस.ई दे 2024-25 आले शैक्षणिक बरे लेई 10 ते 12 जमात दे मतेयान अगले बरे 15 फरवरी कोला लैते जाडन। सी.बी.एस.ई दे परीक्षा नियंत्रक संयम भारद्वाज होरें अज्ज 10मीं ते 12मीं जमात दे नतीजें दी घोषणा दे बाद एह ऐलान कीता। इनें दौनें मतेयानें च कुड़िएं दा प्रदर्शन जागतें कोला बेहतर रेहा। परीक्षा नियंत्रक होरें दस्सेया जे ऐकती बी एह मतेयान 15 फरवरी थमां शुरू कराए गे हे। 10मीं दे मतेयान 28एं दिनें च जिसलै जे 12मीं दे मतेयान 47 दिनें च पूरे कराए गे हे।

<><><><><><>